



Starfsáætlun Barnabóls 2017-2018

Leikskólinn Barnaból
Strandgötu 2a
545 Skagaströnd
Sími 452 2706/8538898
barnabol@hjalli.is/mariaosp@hjalli.is



Um leikskólann

Starfsáætlun þessi gildir fyrir leikskólann Barnaból á Skagastönd. Skólastjóri á komandi starfsári er Alfa Björk Kristinsdóttir og daglegur stjórnandi er María Ösp Ómarsdóttir. Skólaárið 2017 til 2018 er 40. starfsár leikskólans. Barnaból er rekið af Hjallastefnunni ehf. samkvæmt þjónustusamningi við Sveitarfélagið Skagaströnd.

Starfsáætlun þessi tekur gildi þann 1. september 2017 og er skilað til Hjallastefnunnar ehf., sveitarfélags Skagastrandar og til fræðslustjóra.

Tölulegar upplýsingar - börn

Fjöldi barna er áætlaður 25 börn, 13 stúlkur og 12 drengir. Dvalarstundir eru ekki enn endanlega fastsettar en að svo stöddu eru flest börnin eru í 8 tíma vistun.

Fjöldi þeirra barna sem fyrirsjáanlegt er að þarfnist sérkennslu er 1 barn. Auk nokkurra barna sem munu þurfa aukna þjálfun í málörvun.

Fjöldi barna sem hafa íslensku sem annað eða þriðja mál verða eitt.

Starfsmannamál

Starfsmenn leikskólans Barnabóls næsta skólaár verða 9 talsins í 6,8 stöðugildum fyrir utan ræstingu. Þetta getur þó breyst þegar vistunartími barnanna er endanlega staðfestur og þörf fyrir sérkennslu hefur endanlega verið metin. Hjallastefnan stendur fyrir öflugu samstarfi allra Hjallastefnuskóla um starfsþróun og símenntun starfsfólks en að auki gefst starfsfólki kostur á að sækja sér menntun og starfsþekkingu úr öðrum áttum og hvetur leikskólinn Barnaból starfsfólk sitt eindregið til þess. Um starfsþróun og símenntun má nánar lesa í símenntunaráætlun leikskólans í viðhengi.

Faglegar áherslur

Leikskólinn Barnaból starfar eftir hugmyndafræði Hjallastefnunnar. Hugmyndafræðin byggir í stórum dráttum á hugsjónum um jafnrétti og velferð og henni er lýst í skólanámskrá leikskólans, í Handbók starfsfólks eftir Margréti Pálu Ólafsdóttur höfund stefnunnar, í ýmsum ritum útgefnum af Hjallastefnunni ehf. og á fræðsluvef Hjallastefnunnar.

Leikskólinn starfar að sjálfsögðu einnig á grundvelli Aðalnámskrár leikskóla frá árinu 2011 og er útfærslum á markmiðum hennar lýst í skólanámskrá leikskólans. Nánari útfærslu á fagstarfi, hugmyndafræði, markmiðum og leiðum má sjá í skólanámskrá Barnabóls í viðhengi.

Mat og umbætur

Leikskólinn Barnaból stendur á hverju ári fyrir umfangsmiklu innra mati sem að nokkru er hluti af reglubundnu innra eftirliti Hjallastefnunnar ehf. s.s. spurningakönnun fyrir foreldra, spurningakönnun fyrir starfsfólk, athugun á lögbundnum gögnum skólans og rekstrarskoðun útisvæðis, en að nokkru er innra matið einungis á vegum leikskólans og er notað innan veggja hans, s.s. gátlistar fyrir foreldraviðtöl, skráning og mat á vali og



úrvinnsla úr hópatímaskráningu. Á grundvelli niðurstaðna úr innra mati hvers skólaárs vinnur leikskólinn umbótaáætlun. Ítarlega útlistun á innra mati leikskólans og umbótaáætlun má finna í skýrslu hans um innra mat í viðhengi.

Ytra mat á skólasterfinu er í höndum sveitarfélagsins og Menningar- og menntamálaráðuneytis. Heilbrigðisyfirvöld kanna aðstæður í leikskólanum reglulega og útisvæðið er aðalskoðað af faggildum aðila árlega.

Samstarf við grenndarsamfélag

Leikskólinn Barnaból leggur sig fram um góð samskipti við grenndarsamfélagið. Barnaból tekur þátt í hátíðum og uppákomum ásamt því að heimsækja helstu stofnanir s.s. bankann, höfnina, dvalarheimili aldraðra Sæborg sem og vinaskólann okkar Höfðaskóla.

Samstarf við fjölskyldur

Leikskólar Hjallastefnunnar setja samstarf við foreldra og fjölskyldur leikskólabarnanna í öndvegi. Leikskólinn Barnaból stendur reglulega fyrir atburðum sem efla samstarf leikskólans og heimilisins auk þess sem óreglulegum uppákomum sem tengja fjölskyldur við leikskólann er fagnað. Nánari útlistun á foreldrasamstarfi er að finna í áætlun um foreldrasamstarf og viðburði í viðhengi.

Foreldraráð þriggja foreldra er starfandi við skólann og er hluti af stjórnkerfi leikskólans. Í foreldraráðið er kosið í september ár hvert. Foreldraráð fundar að minnsta kosti tvisvar á starfsárinu og gefur umsögn um starfsáætlun og skóladagatal svo og skólanámskrá og jafnréttisáætlun leikskólans.

Foreldrafélag er einnig starfandi í tengslum við skólann og stendur það fyrir margvíslegum uppákomum sem gleðja börn og starfsfólk.

Upplýsingar um dagsetningar helstu viðburða í foreldrasamstarfi er að finna í meðfylgjandi skóladagatali.

Skóladagatal

Meðfylgjandi er skóladagatal fyrir skólaárið en það tekur einhverjum breytingum sem eru uppfærðar jafn óðum á vefútgáfu skóladagatalsins á vef Barnabóls www.barnabol.hjalli.is

Viðhengi

Skólanámskrá 2017-2018

Skóladagatal 2017-2018

Símenntunaráætlun 2017-2018

Foreldrasamstarf og viðburðir 2017-2018

Innra mat og umbótaráætlun 2016-2017